

Uunga siunnersuut: illuliortiternernut aningaasalersuineq pillugu Inatsisartut inatsisaata allangortinneqarnissaa pillugu Inatsisartut inatsisaat nr. xx af xx. xxx 2020 (Nutaanik inissialiornissamut taarsigassarsiarititat taamaallaat inunnut taarsigassarsiaritinneqartassapput aammalu inissiamut ataatsimut taamaallaat taarsigassarsisinnaallutik)

Ineqarnermut Attaveqaqatigiinnermullu Naalakkersuisumit siunnersuutigineqartoq

Pillugu

Sanaartornermut ataatsimiititaliap

ILASSUTITUT ISUMALIUTISSIISSUTAA

Siunnersuutip aappassaanneerreqarnerani tunniunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq, Erik Jensen Siumut
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Pele Broberg, Partii Naleraq

UKA2020-mi ulloq 7. oktober 2020 siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip siunertaa imarisaalu

Illuliortiternernut aningaasalersuisarneq pillugu inatsisip allangortinneqarnissaanik siunnersuuteqarnermi uani ilaatigut inatsisitigut pisinnaatitaasumut pisussaatitaasumullu siunnersuutigineqarpoq pisortat taarsigassarsiarititaannit nutaanik inissialiorneq taamaallaat inunnut ataasiakkaanut tunniunneqarsinnaasut. Inuk pisortanit taarsigassarsiffigineqarsimasoq taamaallaat ataatsimik nutaamik inissialiorsinnaalerpoq. Innuttaasut pisortat taarsigassarsiarititaannik taarsigassarsiaqareersut, aammaarlutik taarsigassarseqqinneqarsinnaanngillat, imaluunniit pisortanit taarsigassarsilluni inissialiaareersumik nutaanik inissialiornissamut pisortanit taarsigassarsiffiusimasunik tiguisinnaassanngillat.

Siunnersuutittaaq sanaartortunut namminersortunut allannguuteqarfiussaaq taakkua, suli nutaanik inissialiornissamut taarsigassarsinissamik akuersissuteqarfigineqarsinnaajumaarmata.

Atuilernissamut akuersissuteqartoqarnerata kingorna kingusinnerpaamik qaammatinit 6-nillit qaangiutsinnagit inissiat nutaat inunnut tunineqareersimanissaat piumasaqaataavoq. Qaammatit 6-illit kingorna inissiat tunineqarsimangippata taarsigassarsisitsinissamut neriorsuut atorunnaassaaq. Tamatuma saniatigut piginnittup nikinnerannut tunngassutillit allangortinneqarnissaat siunnersuutigineqarpoq. Siunnersuut ulloq 1. januar 2021 atuutilersinneqarnissaa naatsorsuutigineqarpoq.

Inatsisissatut siunnersuutikkut qulakkeerneqarnissaa siunertarineqarpoq, pisortanit taarsigassarsisussat kisimik tassaassasut inuit inissialiornermut, inissianik iluarsartuussinermut, allilerinermut pitsanngorsaaneremullu, pisortat taarsigassarsiarititaat sanatitsisut namminersortut inissianik attartortitsinissaq siunertaralugu sanaartortunut tuttannginnissaat anguneqarniarneqarluni. Sanatitsisut namminersortut atuilernissamut akuersissutip tunniunneqarnerata kingorna qaammatinit 6-nillit qaangiutsinnagit illuliat inummut tunisinnaagunikkit pisortanik taarsigassarsillutik inissialiorsinnaanissaat qulakkiissallugu aamma siunnersuummi siunertarineqarpoq.

2. Tusarniaanermut akissutit

Siunnersuummut tusarniaassutinik akissutini nalinginnaasumik oqaaseqaatit tamakkerlugit issuarneqanngillat, taamaallaalli tusarniaassutinik akissutinit imaqarniliortoqarsimalluni.

Paasisutissat atuartunut pingaaruteqarsinnaasut inatsimmi matumani mininneqarsimasut ataatsimiititaliamit Naalakkersuisunut erseqqissaatigineqassaaq.

Tusarniaaffigineqartut akissuteqarnerminni siunertarineqanngikkaluartumik inissaaleqisut amerlinerannik, illorsualiortut ikilinerannik kommunillu allaffissornikkut suliaminnik nammakkeerneqarnerannik kinguneqarsinnaanera oqaatigineqarsimammat ataatsimiititaliap paasivaa. Ataatsimiititaliap siunnersuummik suliaqarnerani taakkua immikkoortoq 5-mimi ataatsimiititaliamit suliarineqarput.

3. Sassartitsinerit

Ataatsimiititaliamit kattuffiit, suliffeqarfiit peqatigiiffiillu uku aallartitat tulliuttut sassartinneqarput:

- Sulisitsisut
- Inu:it Bolig A/S-imiit, Martin Gjødvad

Siuliini sassartitanit taaneqartunit tikkuarneqarpoq inatsit pingaarutilinnik unamminartoqarsinnaammat, pingaartumik namminneq, ilaasortatik inuiaqatigiillu sunnerneqarumaartut. Sanatitsisut ikilinnissaannik, ungasinnerusoq isigalugu inissaaleqisoqarnerulernera, akileraarutigut isertitat ikilineri inissiallu akiisa qaffannerinik kinguneqaratarsinnaaneranik naatsorsuuteqartoqarluni. Ataatsimiititaliap siunnersuummik suliaqarnerani taakkua immikkoortoq 5-mimi suliarineqarput.

4. Apeqquutit

Ataatsimiititaliap siunnersuummik suliaqarnermini Ineqarnermut Attaveqaqatigiinnermut Naalakkersuisoq apeqquutinik arlalinnik akissuteqarnissaanik qinnuigaa. Ataatsimiititaliap apeqquutai Ineqarnermut Attaveqaqatigiinnermut Naalakkersuisup akissutai isumaliutissiissummut ilanngussatut ilanngunneqarput.

Ataatsimiititaliap siunnersuummik suliaqarnermini Naalakkersuisup akissutaa ilannguppaa.

5. Ataatsimiititaliap siunnersuummik suliaqarnera

Siunnersuut siullermeerneqarnerani assigiinngitsumik isummerfigineqartoq siunnersuullu apeqquutinik arlalinnik pilersitsisoq ataatsimiititaliap maluginiarppaa.

Innuttaasut imminnut inissiamik pilersorsinnaanissaannik periarfissaat inatsimmi atuuttumi qulakkeerneqarsimasoq ataatsimiititaliap isumaqarpoq. Iluanaarniarqarnissaa pinngitsoorniarlugu pisortallu inissialiornissamut aningaasaatai atonerlunneqannginnissaannik Naalakkersuisunit siunertarineqarmat ataatsimiititaliamit maluginiarneqarpoq, siunnersuulli aamma pitsaasumik inernejarsinnaavoq.

Sanatitsisut namminersortut aningaasaliisartullu pisortat aningaasaataat atonerlullugit inissialiorsinnaanissaat aningaasalersueqataanissamut taarsigassarsillutilluunniit inissianik attartortitsinissaq siunertaralugu inissianik pissarsisinnaannginnissaannik Naalakkersuisut siunertaqarnerat ataatsimiititaliamit isumaqatigineqarput. Tamanna ataatsimiititaliamit siunertamat tulluutinngitsoq isumaqarfigineqarpoq.

5.1 Inissaaleqineq pilersuinerlu

Ataatsimiititaliap maluginiarpaattaq, tusarniaaffigineqartut arlallit erseqqissaassutigimmassuk, tassanngaannartumik inatsimmik allannguinnissap malitsigisinnaammagu pingaartumik Nuummi inissaaleqisut amerlinissaat. Akileraartarnermut Atugarissaarnissamullu Isumalioqatigiisitap 2011-mi marsimi isumaliutissiissutaanittaag aamma erseqqissarneqartoq takuneqarsinnaavoq, utaqqisut nalunaarsorsimaffianni allaqqasut inissiamut nalinginnaasumik ukiuni 7,5-ini utaqqisuni utaqqisutut nalunaarsoqqammata¹.

Inissaaleqineq aamma

Inuit Pisinaatitaaffiinut Institutip nalunaarusiaani taaneqarpoq ”Ineqarnissamik Pisinnaatitaaffik – Kalallit Nunaanni killiffik”, tassani allaqqavoq:

*”Sivisuumik utaqqisarneq pingaartumik innuttaasunut, namminersorluni niuerfimmi inissamik tulluurtumik nassaarnissamut annikinnerpaanik periarfissalinnut eqquisarpoq”.*²

¹ Akileraartarnermut Atugarissaarnermullu Ataatsimiititaliap inassutaasa eqikkarneri, 2011, q. 170

² Inuit Pisinnaatitaaffiinut Institutit: Ineqarnissamut Pisinnaatitaaffik – Kalallit nunaannu killiffik 2020, 2020, qupp. 15)

Ataatsimiititaliap paasivaa, Nuummut nutsertut amerliartornissaat naatsorsuutigineqarmat, akerlianik inissaaleqineq annertusiartornissaa naatsorsuutigineqarluni. Amerlanerusut imminnut inissiamik pilersornissartik qinerpassuk, inissiat pisortat attartortittagai attartorneqariaannangorneri amerlissammata ataatsimiititaliaq isumaqarpoq. Tamanna innuttaasunut imminnut inissiamik pilersorsinnaanngitsunut pitsaaqutaassaaq.

Nuummiinnaq inissaaleqisoqanngimmat Kalallit Nunaannili tamarmi ajornartorsiutaasoq Ataatsimiititaliaq isumaqarpoq. Uanili inatsisissatut siunnersuummi pingaaruteqarpoq erseqqissassallugu, 2018-mi inissianik aningaasalersuineranut inatsit malillugu kommuninut aningaasaliissutigineqartunit inissianit 58-nit 42-t Sermersuumi sananeqarsimmata, 2019-milu 227-nit 179-iusimallutik. Sanaartornerup annertunerpaartaa Kommuneqarfik Sermersuumi Nuummi ingerlanneqarmat naatsorsuutigineqarsinnaavoq, tamanna tusarniaassutininik akissutininik allassimavoq ukiunimi kingullerni Nuup avataani suliaqartoqarsimannngitsoq tusarniaassutininik akissutaasunit takuneqarsinnaammat.

Sulisitsisut (GE) aamma Inu:it Bolig A/S-imik piginnittumit, Martin Gjøvdadimit sanatitsisut namminersortut atuilernissamut akuersissuteqartoqarneraniit qaammatinit 6-nillit inissialiminnik tunisereersimanissaat, inissiarsualiornerit malunnartumik appariassapput erseqqissarneqarpoq. Tamanna tunngavigalugu ataatsimiititaliap paasivaa, siunnersuutip kingunissai innuttaasunut soorlu aamma sanaartortunut kingunissai imaannaanngitsut. Sulisitsisut aamma Inu:it Bolig A/S-imillu piginnittoq, Martin Gjøvdad sassartinneqarnerminni oqaatigaat taarsigassarsititsinissamut neriorsuutip atorunnaarneratigut inissianik tuniuminaatsitaqaleriaannaanertik pissutigalugu sanatitsisut namminersortut suliniutinik annertuunik sanaartunnginnissaq qinertalerumaaraat. Sanatitsisut namminersortut inissialiornissap aarlerinarnerulernissaanik peqquteqartinneqarpoq.

Naalackersuisut inatsisissatut siunnersuutaat ataatsimut isigineqassammat ataatsimiititaliamit paasineqarpoq. Taamaalilluni sanaartortunut namminersortunut tunisinissamik killigitinneqartut qaammatit 6-nillit kisimik pineqanngillat. Aamma erseqqissaassutigineqarpoq, innuttaasut suli amerlanerit imminnut inissiamik pilersorsinnaanissaat inatsimmit siunertarineqarmat, taamaammallu innuttaasoq ataaseq pisortanit taarsigassarsiffigineqarsimasoq ataasiaannarluni inissialiornissamut taarsigassarsisarnissaa pisariaqartoq.

5.2 Pisortanit taarsigassarsilluni illuliat tunineqarnissaanut piffissarititaasoq

Tusarniaaffigineqartut arlallit oqaatigaat, siunnersuut sanatitsisut namminersortut qaammatinit 6-nillit kingorna atuilernissamut akuersissut tunniunneqarnerata tunisereersimanissaanik piumasagaat, Nuummi sanaartortuerunneranik imaluunniit tunuarsimaartoqalerneranik kinguneqarsinnaammat. Ataatsimiititaliamit ernumassutaasoq tamanna paasisinnaavaa

oqaatigissavaali, siornatigut inissiarisuit sanaartorneqartut tunineqapallattarmata³. Inissiarisuarini inissiat tunineqapallattarneri, Nuummi inissiarserusuttorpasuit inissaaleqisoqarneranik peqquteqartoq ataatsimiititaliaq paasivaa. Innuttaasut imminnut inissaminnik pilersorsinnaanissaannut inissianik sanaartortuortoqarnissaa taamaammat ataatsimiititaliamit pingaartinneqarpoq.

Inissialiornermut taarsersuinissamik piunasaqaatit, iluarsaaneq, allilerineq inissianillu pitsanngorsaaneq, § 10 imm. 2 Inatsisartut inatsisaat nr. 39 23. november 2017-meersoq inissianik aningaasalersuineq⁴, pitsaasuummat ataatsimiititaliamit maluginiarneqarpoq. Taamaammat nalilersorneqarsinnaavoq taarsigassarsititsinissamut neriorsuut atorunnaarsinnissaa siunertamut tulluuttuunnginnerisoq, sanatitsisoq namminersortup inissiap sananeqarneraniit, qaammatinit 6-nillit qaangiutsinnagit, inissianik inuttaasunut taarsigassarsititsinissamut neriorsuuteqanngitsunik pisinissaq orniginannginnerunissaa naatsorsuutigineqarsinnaammat, inissiaq iluanaarnarnerusumik tunineqarsinnaanngippat.

Taamaattoq sassartitsineri Martin Gjøvdad, Inu:it Bolig A/S-imik piginnittup inatsisissatut siunnersuut akuerineqassagaluarpat quleriinnik inissialiornermi banakimit imaluunniit realkredit aqutugalugu taarsigassarniartarneq ajornartorsiutaalersinnaasoq ataatsimiititaliap maluginiarpa.

Sanaartortitsisut namminersortut bankinut imaluunniit realkredit aqutugalugu taarsigassarsiniarnissamut periarfissaqaraluartut quleriinnik inissianik pisinierneq akisunerulerneranik inissianillu tuniniaaneq tuniniaasunut ajornarnerulernissaanik kinguneqassasoq ataatsimiititaliamit paasineqarpoq, inissialiorniarnermimi pisortanit attartugassarsiat pilerigineqartorujussuummata.

Tassunga Ataatsimiititaliap erseqqissaatigissavaa, innuttaasumut ataatsimut inissiamut ataasiinnarmut pisortanit taarsigassarsiaqarluni inissialiornissaq periarfissaammat, inissiaq innuttaasup pisiarisaa, taarsigassarsianit sananeqarsimappat, innuttaasulluunniit nammineq inissialiorniaruni. Tassa inissiamut sanaartoreersumut taarsigassarsiniartoqarnissaa periarfissaanngilaq.

Tusarniaanermi Nunatsinni Advokaatit akissuteqaataat, inatsisissatut siunnersuummi § 9-p

³ Nuuk Ugeavis: Illunik tuniniaasartut illunik tunisassarsiortorujussuupput, 16. maj 2019

⁴ *Imm. 2.* Taarsigassarsiat atulernissaanut akuersissummut ulluliussamiit ukiuni 20-ni ernialersorneqarnatillu akilersugassaanngillat, tamatumalu kingorna Nationalbankip erniaritittagai procentinik pingasunik ilallugit erniaqartinneqarlutik amerlaqatigiinnik annertussusilerlugit ukiuni 15-ini akilersugassaanngussallutik. Taarsigassarsineri allagartap qanoq iluseqarnissaa suullu piunasaqaataassanersut kommunalbestyrelsimit aalajangersarneqassapput.

aamma § 9b-p imminnut naapertuutinninnerannik ersersitsisoq, siunnersuummik suliarinninnermini ataatsimiititaliap maluginiarsimavaa, tamannalu ataatsimiititaliamit apeqqutigineqarpoq. Apeqqutit akissutillu ilanngussami takuneqarsinnaapput.

Naalakkersuisut apeqquteqaatinut akissuteqarnerminni allapput, sanatitsisut namminersortut (inatsisitigut inuttut isigineqarsinnaasut) inissialiamut sanaartorneqarsimasumut taarsigassarsitinneqarnissamut neriorsorneqarsinnaasut. Taarsigassarsiali aatsaat tunniunneqarsinnaapput inissiaq inummut inissiamik nutaamik sanaartornissamut taarsigassarsiaqareersimannigsumut tunineqarsimappat. Taamaallunilu taarsigassarsianik tiguisoq tassaangilaq sanaartortitsisoq namminersortoq, taakkumi taamaallaat inatsisitigut inuttut isigineqarsinnaasumut taamaallaat tunniunneqarsinnaammata. Naalakkersuisut akissutaat tusaatissatut ataatsimiititaliamit tiguneqarpoq.

5.3 Nuummi pisortat taarsigassarsiarititaat atorunnaarsikkiartuaarneqartoq

Nuummi 2019 aallarnerfigalugu Inissianik aningaasalersuineq pillugu Inatsisartut inatsisaat nr. 39 23. november 2017-meersumi, § 5, imm. 2 malillugu taarsigassarsititsisarneq atorunnarsikkiartuaarneqaleqassaaq. Tamanna pillugu Naalakkersuisut oqaaseqaatini allapput inuussutissarsiortunut inatsisissatut siunnersuut aningaasatigut kingunerisassai tassaasut:

”Nuummi nutaanik inissialiornissamut pisortat aningaasalersueqataaernerat atorunnaarsikkiartuaarneqarpoq aammalu 1. januar 2027 aallarnerfigalugu atuutilersumik atorunnaartussaalluni.

Ulloq 1. januar 2027 atuutilersumik nutaanik inissialiornermut aningaasalersuineq niuerfimmi atugassarititaasut nalinginnaasut tunngavigalugit pialertussaassaaq. Naliliisoqarpoq Nuummi pisortat aningaasalersueqataasarnernannik atorunnaarsitsiartuaarneq, Nuummi nutaanik inissialiornissamut pisortanit taarsigassarsilluni inissialiaareersunik ujartuinerup attanneqaannarnissamut iluaqutaassasoq.”

Tamatumunnga ataatsimiititaliap maluginiarpaa, Kommuneqarfik Sermersooq aamma Sulisitsisut oqaatigimmassuk, aalajangersagaq taanna siunnersuut pisariaqannigisoq, Nuummi taarsigassarsititsisarneq nammineq ingerlasussatut atorunnaarsikkiartuaarneqartussaammat. Sulisitsisut peqatigitillugu ilannguppaat, inatsit 2023-2024-llu kingorna sunniutaarussimassasoq, pisortat sanaartugassat ingerlanneqarnerannut taarsigassaqarneq aalajangiisuujuunaareersimassammat.

Inatsisissatut siunnersuut sanatitsisut namminersortut kisimik inissialiornissamut taarsigassarsinissamut neriorsuuteqarfigineqarnissaat kisimi pineqannigisoq Ataatsimiititaliap paasivaa. Naalakkersuisut inatsisissatut siunnersuummi allannguutissatut siunnersuutitut tunngatillugu siunnersuut aningaasatigut kingunissai pillugit oqaaseqarnermi ersarluttutut

isigineqartariaqarmata ataatsimiititaliilli erseqqissaassutigissavaa.

Nuummi inissialiorniartunut taarsigassarsititsinissamut neriorsuutip atorunnaarsikkiartuaarneqarnerata sunniutissai pillugit siunissami taarsigassarsiniarsinnaanermik periarfissaajunnaarsinnaaneranut, Naalakkersuisut allaaserinninnerattulli sanatitsisut piareersartariaqartut, Nuummi pisortanik taarsigassarsilluni inissialiit piumaneqarnerannut peqqutaataapput.

Malittarisassat taakkua Nuummi inissialiorusullutik kissaateqartunut aamma atuupput. Innuttaasut pisortat taarsigassarsisitsisarnerata atorunnaavinnissaa sioqqullugu innuttaasut imminnut inissialiornissaannik kajumilernerannut ilapittuutaajumaarpoq.

5.4 Pitsaaqutit ajoqutillu eqikkarlugit

Pisortanut, inuussutissarsiutilinnut innuttaasunullu inatsisissatut allannguut siunnersuutigineqartup pitsaaqutigisinnaasai ajoqutigisinnaasaalu ataatsimiititaliap siunnersuummik suliaqarnermini makku inerniliuppai.

Inatsimmut allannguutissap pisortanut, inuussutissarsiortunut aamma innuttaasunut pitsaaqutai ajoqutaalu

	Pitsaaqutit	Ajoqutit
Pisortat	<ul style="list-style-type: none"> Sanatitsisut namminersortut attartortitsinissartik siunertaralugu pisortat taarsigassarsiarititaat atorlugit inissialiernerup unitsinneqarnissaa Inuk inatsisitigut pisinnaatitaasoq kisimik taarsigassarsisinnaangussaaq 	<ul style="list-style-type: none"> Akileraarutitigut isertitat ikilineri Nuummi inissaaleqisut amerlinerat Sanaartornerup iluani suliaassakinnerulernissaaq naatsosuutigineqarpoq Inissianut utaqqisutut nalunaarsorsimasut amerlissapput Allaffissornikkut aningaasartuutit qaffannissaat naatsorsuutigineqarpoq
Inuussutissarsiortut	Inissialiornermi pisortanit taarsigassarsisoqarsinnaaneranit suli periarfissaqassaaq taamaattoq atuilernissamut akuersissutip nalunaarutigineqarneraniit	<ul style="list-style-type: none"> Sanatitsisut ikileriarnissaanik naatsorsuuteqarneq Taarsersugassanut neriorsorneqarsimasut qaammatinit 6-nillit

	qaammatinit 6-nillit qaangiutinnginneranni inissiat tunineqareersimassallutik	qaangiutinnginnerini inissiat tunineqartarnissaannut atuutitsitsilerneq
Innuttaasut	<ul style="list-style-type: none"> Nammineq inissamut pisortanik taarsigassarsilluni suliiinissialiortoqarsinnaassaaq 	<ul style="list-style-type: none"> Inssiarsualiortoqannginnerata kingunerisaanik inissianik piginnittunngornissamut periarfissat ajornerulissapput Innuttaasut pisortanik taarsigassarsiaqareersut taarsigassarseqqissinnaanavianngilat Inissianut utaqqisut nalunaarsorsimaffianni allassimasut amerlissapput

Pitsaaqutit aamma ajoqutit ataatsimiititaliamit pingaartutut isigineqartut tabelimit takutinniarneqarput. Takussutissiami siunnersuutip pitsaaqutaasalu ajoqutaasalu kingunerisinnaasaat ataatsimoortinniarneqarput. Ataatsimiititaliap pingaarnertut paasivaa, siunnersuut akuersissutigineqassappat ajoqutaasinnaasut pingaarnertut tassaasut, ilaatigut inissianut utaqqisut nalunaarsorsimaffianni allassimasut amerlanerulernissaat, akileraarutitigut isertitat apparnissaannik naatsorsuuteqarneq inssiarsuillu sanaartorneqartut ikilinerisigut nammineq inissiamik piginnittunngornissamut periarfissat annikillinissaat.

Ataatsimiititaliap paasinninnera naapertorlugu pitsaaqutaavoq, siunnersuummi inissialiornermut pisortat taarsigassarsiarititaat innuttaasumut ataatsimut inissiaq ataasiunissaa, inissianillu attartortittakkat taarsigassarsititsinissamut neriorsuuteqartarnerup unitsinneqarnissaa.

6. Siunnersuutip aningaasatigut kingunerisassai.

Siunnersuutip aningaasatigut kingunerisassai siunnersuutip nalinginnaasumik oqaaseqaataani allaaserineqarput. Siunnersuutip piviusunngortinneqarneratigut aningaasatigut kingunerisassai ataatsimiititaliamit misissornera tunngavigalugu siunnersuut qanoq inisianik niuernermet sunniuteqassanersoq, pisortat akileraarutitigut isertitassaat, sanaartornermik inuussutissarsiuteqartunut innuttaasullu piserusussusaannut takutitsisumik naatsorsuinerit pigineqanngimmata ataatsimiititaliattaq paasivaa. Pisortanut, inuussutissarsiortunut innuttaasunut siunnersuut kingunissai qularnartut arlaqartut ataatsimiititaliaq isumaqarpoq. Taakkua tulliullugit suliarineqassapput.

6.1 Pisortanut aningaasatigut allaffissornikkullu kingunerisassai.

Naalakkersuisut naliliipput, inatsit akuersissutigineqassappat, pisortat ”amerlasoorpassuarnik inissiarqartunik nutaanik inissiarualiortarneq annikillisissagaa ilimanartoq” pisortanullu: ”*nutaanik inissialiornissamut taarsigassarsititsinissamut neriorsuutitut aningaasartuutitut sunniuteqarsinnaallutik*”⁵.

Pisortanut kingunissai ersarinnerusumik allaaserineqarsimanngimmata ataatsimiititaliamit eqqumiigineqarpoq. Matumani inatsisissatut allannguutissap allaffissornikkut suliassat annertunerulernissaannik Kommuneqarfik Sermersuumit ernummateqarmat ataatsimiititaliamit tassunga innersuussutigineqassaaq. Kommunit allaffissornikkut annertunerusumik nammatassinneqassanngitsut ataatsimiititaliaq isumaqarpoq.

Kommuneqarfik Sermersuup allaffissornikkut suliassatigut annertunerusumik nammataqalertussaanaatik naliliinerat Naalakkersuisut maluginiarpaat, tamassumalu saniatigut kommuni taarsigassarsissutinik suliaqarnerminnut akiliisitsinissamut periarfissaqartut.

Kommunit allaffissornermikkut annertunerusumik nammatassinneqarnaviarnatik naliliinerat, itinerusumik allaaserineqarsimasunganngilaq. Naalakkersuisut kommuni taarsigassarsissutinik suliaqarnerminnut akiliisitsinissamut periarfissaqarnerat paasivaat. Atuisunik akiliisitsisarneq allaffissornikkut annertunerusumik artukkerneqarnissaat annikillinaviannngitsoq ataatsimiititaliaq isumaqarpoq.

Tamatuma saniatigut, Naalakkersuisut akileraarutigut isertitat ikileriarnissaat pillugu tusarniaassutinik Sulisitsisut akissutaat isummerfigineqanngitsoq ataatsimiititaliap isumaqarpoq. Naalakkersuisut Nunatsinni Advokaatit tusarniaanermik akissutaat aamma isummerfigisimanngilaat, taakkuami oqarmata, pisortanut siunnersuut allaffissornikkut kingunissai, siusinnerusukkut taarsigassiarineqarsimasinnaasunut tunngatillugu siunissami taarsigassarsiat pisortanut allaffissornikkut kingunerisassaataat eqqarsaatigalugit siunnersuutip kingunerisinnaasai misissorneqartariaqartut matumani maluginiarneqarluni.

Tusarniaanermi illuatungeriit inuiaqatigiinnut kingunissai pillugit oqaatigisimasaat Naalakkersuisut isummerfigisimanngisaataat eqqumaffigineqarsimanngimmat ataatsimiititaliap Naalakkersuisunut eqqaasitsissutigineqassaaq.

Siunnersuutaat ”sunniutikinnerusoq” pisiumasut inissiallu akii, piffissami sivikinnerusumi inissiat amerlanerusut tuniniarneqassatillugit ataatsimiititaliamit Naalakkersuisunut erseqqissaatigineqassaaq.

⁵ Siunnersuummi nalinginnaasumik oqaaseqaatit, pisortanut aningaasatigut kingunissai, q. 4

Sunniutikinnerusoq” siunnersuut akuersissutiginiisnaanut taamatut iluseqartillugu tunngavigissallugu naammangitsoq ataatsimiititaliap naqissusissavaa.

6.2 Siunnersuutip Inuussutissarsiortunut aningaasatigut allaffissornikkullu kingunerisassai.

Sanaartortunut namminersortunut taarsigassarsititsinissamut neriorsuuteqartinik pigisaqartunut inissianik qaammatit 6-nillit qaangiutsinnagit tunisinissaannik piumasaqaat, nutaanik inissialiornernik ikinnerulersitsissasoq ilimanartoq Naalakkersuisut oqaatigaat. Ersarissutut isumaqarfigineqanngimmat, ” *inissiat amerlasuut*” oqarnermi qassit pineqarnersut ersarluttutut isigineqartoq, taamaammat Naalakkersuisut ataatsimiititaliamut tamanna pillugu akissuteqarnissaanik qinnuigineqarpoq.

Inissiat qanoq amerlatigisut pineqarnersut oqaatigineqarsinnaanngitsoq Naalakkersuisut nassuiaatigaat.

Taamaattumik inatsisissatut siunnersuutip uuma akuerineqarneratigut inissiat qassit sanaartorneqassannginnersut Naalakkersuisunit oqaatigineqarsinnaanngitsoq ataatsimiititaliamit maluginiarneqarpoq.

Siuliani naliliinerit oqaaseqaatillu inuussutissarsiortunut ersarissumik siunnersuutip qanoq sunniuteqarnissaanik takutitsinngitsoq ataatsimiititaliamit maluginiarneqarpoq.

6.3 Innuttaasunut aningaasatigut allaffissornikkullu kingunerisassai.

Siunnersuummi innuttaasunut aningaasaqarnikkut allaffissornikkullu kingunissai pillugit allasimavoq, innuttaasut nutaanik inissialiornissamut pisortanik taarsigassarsiaqarlutik inissiaateqartut taarsigassarsineq taanna atorlugu inissianik piseqqissinnaanngitsut.

Innuttaasunut kingunissaanik allaaserinnineq taanna ersarluttoq annikitsorlu ataatsimiititaliamit isumaqarfigineqarpoq.

Ataatsimiititaliap paasinninnera naapertorlugu, inissiarsualiornerit ikilinerat pissutigalugu siunnersuummi matumani innuttaasut inissianut utaqquisut nalunaarsorneqarlutik allattorsimasut amerlissasut namminnerlu inissiassaminnik pisinissaminnik periarfissaannik annikillitsissaaq.

Matumani oqaatigineqassaaq, malittarisassanik allannguinermi innuttaasut tunngaviulluinnartumik inissaqarnissamik pisariaqartitsinerannut sunniutissaanik

ersarissaasoqarsimangitsoq, malittarisassanik allannguineq ingerlanniarneqarmat Nunatsinni Advokaatit eqqarsarnartoqartillugu oqaatigimmassuk⁶.

Ataatsimiititaliattaq maluginiarpaa, Nunatsinni Advokaatit tikkuarmassuk, tusarniaanissaq sioqqullugu siunissami inissiarsualiortoqarpallaarunnaartoqaratarsinnaaneramik naatsorsuuteqarnerup ersarissumik misissuilluortoqarsimanersoq oqaatigiuminaatsoq. Naalakkersuisut tamatumunnga akipput tamakkua sukumiinerusumik misissuiffigineqarsimangitsut.

6.4 Eqikkaaneq

Inatsisissatut siunnersuummik matumani suliaqarnermi pisortanut, inuussutissarsiortunut innuttaasunulluunniit aningaasatigut kingunissai pillugit paasissutissat misissorneqarsimangitsut nalunaarusiallu pisariaqartinneqartut ilanngunneqarsimangitsut ataatsimiititaliaq isumaqarpoq. Taamaammat ilisimaneqanngitsunik inatsisissatut siunnersuutip matuma akuersissutigineqarnissaa inuiaqatigiinnut arlalitsigut aarlerinaateqarpoq.

7. Ataatsimiititaliap inassuteqaataa

Ataatsimiititaliami amerlanerussuteqartut Siumumeersut Inuit Ataqtigiinneersullu siunnersuut ilusimisit iluseqartoq akuersissutigineqassasoq inassutigaat.

Ataatsimiititaliami ikinnerussuteqartut Demokraatineersut Partii Naleqqameersullu siunnersuut pillugu oqaatigissavaat, qaammatit arfinillit § 9, imm. 2-mi siunnersuutigineqartut tunngavigalugit sanaartorerup siunertaanngikkaluartumik annikillinnginnissaa qulakkeerniarlugu tunisinissamat sivisunerusumik piffissaliisoqarnissaa isumaliutigineqartariaqartoq.

Ataatsimiititaliami ikinnerussuteqartut Demokraatineersut Partii Naleqqameersullu inassutigaat, Naalakkersuisut ikinnerussuteqartunit kaammattuutigineqartoq naapertorlugu allannguutissatut siunnersuummik saqqummiussereepata siunnersuut akuersissutigineqassasoq.

Ataatsimiititaliap siunnersuummik suliarinninnermini piffissaalatsinera tunngavigalugu isumaliutissiisummi oqaasertat tamakkiisumik qulaajarneqarnissaat angumerisinnaasimangimmagut, ataatsimiititaliap kissaatigaa siunnersuut pingajussaaneerneqartinnaqartinnagu ataatsimiititaliamut suliassanngorteqqinneqassasoq.

⁶ Siunnersuummi nalinginnaasumik oqaaseqaatit, immikkortoq 8: Oqartussanik kattffinnillu tusarniaaneq, q. 15


Taamatut oqaaseqarluni siunnersuummilu allassimasutut paasinnilluni matumuuna ataatsimiititaliap siunnersuut aappassaanniigassanngortippaa.




Justus Hansen
Siulittaasoq



Aqqaluaq B. Egede
Siulittaasup tullia



Erik Jensen



Nikkulaat Jeremiassen



Pele Broberg



Inatsisartut Sanaartornermut Ataatsimiititaliaa
/maani

**UKA2020/24 Illulioriternernut aningaasalersuineq pillugu inatsisip
allangortinneqarnissaa pillugu Sanaartornermut Ataatsimiititaliap
apeqquteqaataanut akissuteqaat**

30-10-2020
Sullaq nr.: 2019 - 19498
ID nr. 58166242

Inatsisartut Sanaartornermut Ataatsimiititaliaata ataatsimiititaliami sulianik
suliaqarnerminnut atatillugu, Illulioriternernut aningaasalersuineq pillugu Inatsisartut
inatsisaata allangortinneqarnissaa pillugu (UKA2020/24) apeqquteqaateqarpoq.
Apeqqutit matumap kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1:

**”Inissiaruarnik amerlasoorpassuarnik” oqarnerminni qanoq amerlatigisut
pineqarnersut Naalakkersuisut qinnuigineqassapput nassuiaatigeqqullugu.**

Akissut: Siunnersuutip inissiaruarnik amerlasoorpassuarnik inissiaruarnik nutaanik
sanaartorneq unikaallatsissagaa ilimanartoq pillugu Naalakkersuisut naliliinerinut
pissutsit assigiinngitsut patsisaapput. Inissiat qanoq amerlatigissanersut ersarissumik
nalilerneqarsinnaanngilaq. Inissiaruarnik arlalippassuarnik inissiaruarnik
attartortitassatut imaluunniit tuneqqitassatut aningaasaliisartut sanaartorumanissaannut
allanguut sunniuteqarsinnaasoq Naalakkersuisut eqqumaffigaat.

Periarfissaq iluatsillugu inatsisip massakkut atuuttup Illulioriternernut
aningaasalersuineq pillugu Inatsisartut inatsisaat nr. 39, 23. november 2017-imeersup
suliarineqarnera Naalakkersuisut innersuussutigerusuppaat. Tassani illulioriternernut
aningaasalersuinerit taarsigassarsiarititanut killiliussat atuutsilersinneqarput,
pingaartumillu Nuummum tunngatillugu illulioriternernut aningaasalersuinerit
taarsigassarsiaritinneqartartut annikilliaritortinneqarnissaat atuutsilersinneqarluni.

Illulioriternernut aningaasalersuineq pillugu inatsimmut nassuiaatini nalinginnaasuni
(qupp. 6-imi) allassimavoq, ”Aningaasalersuisarnerup allangortinnera piffissami
ikaarsaarfiusumi Nuummi sanaartornermik ingerlataqarnermut sunniuteqarsinnaassaaq.
Taamaattorli Grønlandsbanken A/S aamma BankNordik naliliippat pisortat
taarsigassarsiarnerisa annikilliaritortinnerini atorunnaarsikkiartuaartinnerinilu Nuummi
inissianik nutaanik sanaartornermut realkredit-imit aningaasalersuinissaq suli
anguneqarsinnaassasoq. Grønlandsbanken A/S aamma BankNordik naliliisimapput
taarsigassarsititsinerit atugassarititaasuni siunnersuutigineqartuni taakkunani
Nuummi inissianik nutaanik suli sanaartornissamut tunngavissaqarumaartoq.”

Inatsisip atuutileranerit ukiut pingasunngulersut qaangiunnerini takuneqarsinnaavoq, §
5-imi imm. 2 naapertorlugu illulioriternernut aningaasalersuinerit

taarsigassarsiaritinneqartartut annikilliarortinneqaraluartut, Nuummi suli sanaartortoqarluartoq.

Tassunga tunngatillugu allannguutissatut siunnersuummut nassuiaatini nalinginnaasuni Banknordik-ip tusarniummut akissuteqaataa, qupperneq 20-mi allassimasoq aamma innersuussutigineqarpoq: "Inissianut atuilernissamik akuersissutip nalunaarutigineqarneranit kingusinnerpaamik qaammatit arfinillit qaangiunnerisigut inissiat tunineqarsinnaappata, sanatitsisut namminersortut nutaanik inissialiornissamut taarsigassarsitinneqarnissamut neriorsuummik suli tunineqarsinnaanerit Banknordikip erseqqissaatigaa. Taamatut allannguisoqassappat aningaaserivimmi aningaasalersuinissaq eqqarsaatigalugu sanatitsisut namminneq aningaasalersuinissaannut piumasaqaatit annertunerulinggikkunik, sanaartornissaq aallartinneqartinnagu sanaartukkat tamakkerlugit tunineqarnissaat pillugu piumasaqaasiortoqassaaq".

Apeqqu 2:

Inissiat tunineqarsimangitsut taarsigassarsinissamik neriorsuutip atorunnaarnissaanut piffissaq qaammatinut arfinilinnut sivilunerpaaffilerneqarsimanera Naalackersuisunit nassuiaatigineqarnissaa qinnutigineqassaaq.

Akissut: Sanatitsisut sanaartornissamut pilersaarummik aallartitsiinnarlutik inissianik tuniniaasinnaalissasut Naalackersuisut nalilerpaat. Sanaartornissamut pilersaarutitut inissianik tuniniaasinnaaneq ullumikkut periarfissaalereerpoq.

Apeqqu 2a:

Tunisinissamut piffissartinneqartoq sivitsorneqassagaluarpas sanaartortitsisunut namminersortunut innuttaasunullu inissianik taakkuninnga pisiniartunut suut pitsaaqutaallutillu ajoqutaassappat? Qaammatinut 12-nut, 18-inut, 24-inut aamma 36-inut sivitsuisoqarsinnaanera pillugu nassuiaasoqarnissaa qinnutigineqarpoq.

Akissut: Allannguutissatut siunnersuummut nassuiaatini nalinginnaasuni qupperneq 7-imi allassimavoq, Nuummi amerlanerusunik inissiaartaqartunik inissiaarsuarnik arlalinnik sanasoqareersoq aammalu inissiat attartortitsinissaq siunertaralugu sananeqartut imaluunniit pisiarineqartut takuneqartartoq.

Allannguutissatut siunnersuutitigut, siunissami sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, attartortitsinissaq siunertaralugu, nutaanik inissialiortarnissaat imaluunniit pisisarnissaat mattunneqassaaq.

Piffissaliussap qaammatinut 12-inut, 18-inut, 24-nut imaluunniit 36-nut sivitsorneqarneratigut, sanatitsisup taarsigassarsitinneqarnermigut inissiaq tuniniarniarmagu, inissiat najorneqarani qularnanngitsumik sivilunerusumik tuniniarneqarsinnaassaaq. Aningaasaliisut inissiamik tunisinissaminnut kajuminnerat tassuugu annikillissaaq – pinngaartumik maani Nuummi akigitat massakkut taamak qaffasitsigitillugit.

Illuatungaani piffissaliussamik sivitsuineq sanatitsisumut namminersortumut aningaasaliisumulluunniit iluaqutaasinnaassaaq, uanimi piffissaliussap iluani inissiamik tunisinngitsooratarsinnaaneq annikinnerussammat.

Innuttaasut qitiutinneqassasut Naalakkersuisut siunertaraat, taamaattumillu pisortat aningaasalersuinissamut periarfissarititai naleqquffiini iluaqutaaniassammata, innuttaasut namminneerlutik inissartaarsinnaasut amerlanerusut periarfissanik piusunik atorluaassasut Naalakkersuisut kissaatigaat.

Apeqqu 3:

Inatsisip atuutilerneraniit inatsit una atorlugu pisortat aningaasalersueqataaneratigut inissiat qassit namminersortunik sanaartorneqarsimappat?

Akissut: Innuttaasut namminneq pigisassaminnik peqatigiillutik inissialiortitsisinnaapput, uanili sanatitsisut namminersortut aningaasaliisartulluunniit tunisinissaq siunertaralugu inissialiortitsisarnerat nalinginnaanerugunarpoq. Innuttaasut peqatigiillutik sanaartortitsisimasut qassiunersut kisitsisaatigineqanngilaq.

Apeqqu 4:

"Suliniutit allat aallartinneqarsimasut" Naalakkersuisut qinnuigineqassapput itisileeqqullugit.

Akissut: Nassuiaatissatut siunnersuummi qupperneq 15-imi "Suliniutit allat aallartinneqarsimasut" nalinginnaasumik ineqarnermut aqqissuusseqqinnermut, matumani pingaartumik Ineqarnermut immikkoortumut tamakkiisumik pilersaarutip ataani suliniutinut aallartinneqarsimasunut tungassuteqarpoq. Suliniutini taakkunani innuttaasut qitiutinneqarput, illoqutigiinnullu appassisumik akunnattumillu isertitalinnut naleqqussakkamik ineqarnermut tapiissuteqartitsisarnikkut pisortat attartortitagaataanni attartorsinnaanissaat suliniutitigut ilaatigut qulakkeerneqassasoq siunertaammat, suliniutit assigiinngitsut taakku sunniutissaat innuttaasunut iluaqutaassallutik.

Tuniniaanissaq siunertaralugu entreprenør it anginerusut suli inissialiorsinnaanissaannut suliniutitigut mattunneqanngillat.

Pisortat aningaasalersuinissamut periarfissarititai naleqquffiini iluaqutaaniassammata, innuttaasut namminneerlutik inissartaarsinnaasut amerlanerusut periarfissanik piusunik atorluaassasut Naalakkersuisut kissaatigaat. Ilutigalugu entreprenør it anginerusut tuniniaanissaq siunertaralugu inissialiorsinnaanissaminnik suli periarfissaqassapput.

Apeqqu 5:

§ 9b, imm. 2 aamma § 32 aamma 33 imminnut naapertuutinnginneri pillugit Naalakkersuisut nassuiaateqarnissaannik qinnuigineqassapput.

Akissut: §§-it assigiinngitsut taakku ataqatigiinnerat Kommune Kujallermit paatsoorneqarsimasoq Naalakkersuisut nalilerpaat.

Taamaalilluni § 9b kisiat isiginiarneqassanngilaq, aammali 9 aamma 9a isiginiarneqassallutik. Pingaarnaq tassaavoq, inuit ataasiakkaat kisimik pisortanit taarsigassarsitinneqarsinnaammata, inullu ataaseq ataasiinnarmik taarsigassarsitinneqarsinnaalluni.

Siunnersuutip § 9b-ani imm. 2-anut tungatillugu, atuulernissamut akuersissummik tunniussereernerup kingorna qaammatit arfinillit iluini aningaasaliisup inissiaq

inuinnarmut tunereersimassagaa piumasaqaataassaaq. Inissiaq inuinnarmut tunineqarsimangippat, taarsigassarsiaritinneqartussat tunniunneqassanngillat.

Atuilernissamut akuersissummik tunniussereernerup kingorna qaammatit arfinillit qaangiunnerini inissiap tunereersimanissaanik piumasaqaateqarnermi, innuttaasut amerlanerpaat illulioriternerumut aningaasalersuinissamut periarfissarititaasunik toqqaannartumik periarfissaqarnissaat, taamaalillunilu innuttaasut namminneerlutik inissiartaarsinnaanissaasa annertusineqarnissaa qulakkeerniarneqarpoq.

Apeqquyteqaat taarsigassarsiarititassat tunniunneqarnissaannut tunngassuteqarsimappat, atuilernissamut akuersissut tunniunneqarsimappat aatsaat taarsigassarsiarititassat tunniunneqarsinnaassapput, tassunga tunngatillugu §§ 32-mi 33-milu piumasaqaataasoq allanngortinneqanngilaq.

Inussiarnersumik inuulluaqqusillunga


Karl Frederik Danielsen



Inatsisartut Sanaartornermut Ataatsimiititaliaa
/maani

**Illuliortiternernut aningaasalersuinerup allanngortinneqarnissaanik
siunnersuummut UKA2020/24 Inatsisartut Sanaartornermut Ataatsimiititaliaata
apeqquteqaqqinneranut akissut**

06-11-2020

Suliaq nr.: 2019 - 19498

ID nr. 58415777

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

Inatsisartut Sanaartornermut Ataatsimiititaliaata sulianik suliarinninnerminnut atatillugu, illuliortiternernut aningaasalersuineq pillugu Inatsisartut inatsisaata allanngortinneqarnissaanut siunnersuummut (UKA2020/24) apeqquteqaateqaqqippoq. Apeqqutit matumap kinguliani ataasiakkaarlugit allanneqarput, akissummillu malitseqarlutik.

Inatsisartut Sanaartornermut Ataatsimiititaliaata apeqquteqaqqinnerminut tulliuuttut tunngavilersuutigai:

Paragrafit marluk imminnut naapertuutinningsut Nunatsinni Advokaatit tusarniaanermut akissutaanni atuarneqarsinnaavoq, siunnersuummi § 9-mi ima allaqqasoqarmat:

”§ 9. §§ 5-8 malillugit taarsigassarsiaritit *inunnut ataasiakkaanut aammalu sanaartornermut aningaasartuutit tamarmiusut sinnerinut aningaasalersuinissap uppernarsarneqarnerani, taamaallaat taarsigassarsiaritinneqarsinnaapput.*”
(Ataatsimiititaliap ersarissaassutaa)

§ 9 b-milu ima allassimasoqarluni:

”§ 9b. *Sanatitsisoq namminersortoq inunnut ataasiakkaanut tuniniaanissaq siunertaralugu nutaanik inissialiorsinnaavoq. Kommunalbestyrelsi § 9 malillugu nutaanik inissialiornissamut taarsigassarsititsinissamut neriorsuuteqarsinnaavoq. Nutaanik inissialiornissamut taarsigassarsititsisarneq pillugu aalajangersakkat taamaaqataanik atuutissapput.*”
(Ataatsimiititaliap ersarissaassutaa)

§ 9-mi aalajangersarneqarpoq **inunnut ataasiakkaanut taamaallaat** taarsigassarsititsisoqarsinnaasoq, tamannalu § 9 b-mi sanatitsisut namminersortut pillugit taaneqartunut (inatsisitigut inuttut isigineqarsinnaasoq) naapertuutinnigilaq. Ataatsimiititaliap ilisimavaa, naapertuutinniginneri taakkua ilusiliinermik misissuineq pillugu allakkiami ulloq 2. august 2020-meersumi eqqaaneqartut, allatullu oqaasertaliinissamik siunnersuuteqartoqarsimasoq.

Apeqqu1: Naapertuutinnigitsut taakku pillugit nassuiaaqullugit Naalackersuisut qinnuigineqassapput.

Akissut: Allanguutissatut siunnersuutitigut pingaarnertut atuuttusaaq tassaavoq, inunntut ataasiakkaanut taamaallaat tarsigassarsisitsisoqarsinnaasassasoq. Sanatitsisoq namminersortoq inunntut ataasiakkaanut tunisinissani siunertaralugu nutaanik inissialiorsinnaanissaa, § 9-mut immikkut ittumik allanguutissatut siunnersuutip § 9 b-atigut periarfissiissutigineqarpoq.

Sanatitsisumut namminersortumut taarsigassarsisitsinissamik siumut neriorsuuteqartoqarsinnaavoq, taamaakkaluartorli atuilernissamut akuersissutip tunniunneranit kingusinnerpaamik qaammatit arfinillit qaangiunnerini inissiat tunereersimanissaanik matumani piumasaqaatitalerlugu. Qaammatit arfinillit qaangiunnerini, illulortiternernut aningaasalersuineq pillugu Inatsisartut inatsisaat imaluunniit illulortiternernut aningaasalersuineq pillugu siusinnerusukkut inatsisit naapertorlugit inissialiornissamut taarsigassarsitinneqareersimannigitsumut inissiaq inummut tunineqarpat, taarsigassarsisitsinissamik siumut neriorsuut tunniunneqarsinnaavoq.

Apeqqu 2: Ilusiliineq pillugu misissuinermermi allanguutissat siunnersuutigineqartut ilanngunneqannginissaannik aalajangertoqarsimamera nassuiaatigeqqullugu Naalackersuisut qinnuigineqassapput.

Akissut: Allanguutissatut siunnersuut naapertorlugu, inuit ataasiakkaat taamaallaat taarsigassarsitinneqarsinnaassapput. Atuilernissamik akuersissutip tunniunnerani tunniunneqartussaannigitsunik, inissianik nutaanik sanaartornissamut kommunalbestyrelsip sanatitsisumut taarsigassarsisitsinissaminut siumut neriorsuuteqarnissaminik periarfissaqarnera uani assigiinngissutigaa.

Illulortiternernut aningaasalersuineq pillugu Inatsisartut inatsisaat imaluunniit illulortiternernut aningaasalersuineq pillugu siusinnerusukkut inatsisit naapertorlugit inissialiornissamut taarsigassarsitinneqareersimannigitsumut inissiaq inummut tunineqarpat, taarsigassarsisitsiissutit aatsaat tunniunneqarsinnaapput.

Inussiarnersumik inuulluaqqusillunga



Karl Frederik Danielsen